

ጾኑሲ ማዶም ዳኪንቴ ጳውሎስ ኪኢቶ ጋላቲያ ዓጮ ዓሶም ዓይያ ካሮ

ዩሱሴኮ ዳቁሻያ ማዲያ ኬኤዛ ኮዦ ሃይሶ ቃኣላ ቢያ ቤዛይዳ ኬኤዚንቴ ኬኤዚንቴ ሃሃ ዓይሁዴ ማዲባኣ ዓሳኣ ዬያ ሃይሶ ጉሙርቁ ዔኬ ዎዶና «ኪሪሰቶስ ጉሙርቁ ዓሲ ማዲ ሙሴ ዔርዜ ዎኅ ኩንሃኒ ኮይሳሞ ኮይሱዎይ?» ጋዓ ጾኑጪሂ ዔቄ። ዒማና ጳውሎስ፡- «ኪሪሰቶስ ጉሙርቁ ዓሲ ማዲ ሙሴ ዔርዜ ዎኅ ኩንሃኒ ኮይሱዎስ፤ ባሼ ኪሪሰቶስ ዛሎና ዓኪ ናንጊ ዴንቃኒ ቤርታዲ ኮይሳ ባኮማ ዒዛ ጉሙርቁሂኬ፤ ሃሃ ዓሲ ኪሪሰቶስ ቤርቲዳ ሂላኒ ዳንዳዓሂ ጉሙርቁሂና ሌሊኬ» ጌዒ ጌዒ ዔርዚሂ ዓርቄ፤ ጋዓንቴ ዳኮ ዒሲያ ጌይንታ ዓጮ፤ ሮሜ ካኣቲ ዎይሃ ጋላቲያይዳ ዓኣ ሺኢጲያ ማኣሮ ዓሶ ባኣካ፡- «ዓሲ ጾኑሲ ቤርቲዳ ሂላኒ ዩሱሴ ጉሙርቁሂ ሌሊ ማዲባኣንቴ ሙሴ ዔርዜ ዎኅዎ ኩንሃኒ ኮይሳኔ» ጌይሂና ጳውሎስኮ ጌኤዛ ማኪ ዒያ ዓሲ ዓኣ።

ጳውሎስ ሃያ ኪኢቶ ጋላቲያ ዓሶም ፃኣፔሂ፡- ዬያ ሉኡዙሞ ዔርዚያና ዣኣሌ ዓሶ ፒዜ ጉሙርቁሂዳ ጌልዛኒ ሃሃ ኪሪሰቶስ ጉሙርቁ ናንጎንዶ ጎይያዎ ዔርዛኒኬ፤ ቤርታሲ ጳውሎስ ዩሱሰ ኪሪሰቶስ ማዶም ዳኪንቴያ ማዔሂ ፔና ፔጋሲ ዔርዚሂና ዓርቄ፤ ዬያ ማዶም ዒዛ ዳኬሂ ዓሲቱዎንቴ ጾኑሲ ማዔሂ፤ ሃሃ ዒዛኮ ዳኪንቴያ ዓይሁዴ ማዲባኣ ዓሶም ማዔሂ ፓይዲ ፓይዲ ኬኤዛኒ፤ ዬካፓ ዓሲ ሂላኒ ዳንዳዓሂ ኪሪሰቶስ ጉሙርቁሂና ሌሊ ማዔሂያ ኬኤዛኒ፤ ሃሃ ሃኖ ኪኢቶኮ ጋፒንያ ዓይያንሂዳ ኪሪሰቶስ ጉሙርቁ ዓሲ ናንጋ ፒዜ ናንጊ ዩሱሴ ጉሙርቁያና ጴዳ ናሹሞፓ ሙካሂ ዔርዛኒ።

ማፃኣፔላ ዲማ ዲማ ዓርቁ ባኮ

- ዓይያ ካሮ (1:1-10)
- ጳውሎስ ጾኑሲ ማዶም ዳኪንቴያ ማዔሂ ዔርዛ ቢታንቶ (1:11—2:21)
- ጾኑሲኮ ኮሹሞ ዛሎ ኬኤዛ ኮዦ ሃይሶ (3:1—4:31)
- ዩሱሴ ጉሙርቁ ዓሶኮ ጎሜ ዓይላቶፓ ኬስኪያና ዔያታ ናንጋንዳ ጎይያ (5:1—6:10)
- ጋፒንሂ ሃይሴ (6:11-18)

1 ዓሲ ማለሂና ዓሲ ዳኬያቱዋንቴ ዩሱስ ኪሪስቶስ ዛሎና ሃሣ
ዒዛ ሃይባገ ዔቁስ፥ ጾኦሲ፥ ዓዳሂ ዛሎና ዒዛም ማዳኒ ዳኪንቴያ
ማዔ፥ ዶኦሪንቴ ጳውሎስ ይዳገ፤

2 ሃሣ ዒዛና ዋላ ዓኣ ዒሸንሂዳገ ቢያ ጋላቴያይዳ ዓኣ ሺኢጲያ
ማኣሮ ዓሶም ዳኪንቴ ከኢታ፡-

3 ኑ ዓዳሂ፥ ጾኦሂዳገ፤ ሃሣ ኑ ጎዳሂ ዩሱስ ኪሪስቶስ ይዳገ
ማዔ ሚጨንቴያና ኮሹሞና ዒንሂም ማጾንጎ።

4 ሃያ ዓጮ ፑርቱሞይዳገ ኑና ዳቁሻኒ ኑኡኮ ዓዳሂ ማዔ፥
ጾኦሂ ማለሂና ኪሪስቶስ ኑ ጎሞሮ ጌዒ ፔና ዓኣሂ ዒንጌኔ።

5 ዩያሮ ጾኦሲም ናንገና ቦንቾ ማጾንጎ፤ ዓኣሜን።

ኪሪስቶስ ዛሎ ኮዥ ሃይሳ ፔቴ ሌሊ ማዒያ

6 ኪሪስቶስኮ ኮሹሞ ዒንጌያና ዒንሂ ዔኤሌ ጎዳይዳገ ሃያይዳ
ፈኡሪና ዒንሂኮ ዲማዲያና ሜሌ ኮዥ ሃይሶ ባንሂ ዓኣዲያ ታኣም
ዔርቲባኣያኬ።

7 ሃያ ታ ገዓሂ ዒንሂ ዳቢሳ ዓሶና ኪሪስቶስኮ ኮዥ ሃይሶ
ዋቢሳኒ ኮዓ ፔቴ ፔቴ ዓሳ ዓኣሂሮ ማዓንዳኣገዓቴም ኮዥ ሃይሳ
ጋዓንቴ ፔቴ ሌሊኬ።

8 ዩይ ያዲ ማዔቴያ ኑኡና ጫሪንጮ ጾኦሲ ከኢታንቻሂና
ዒንሂም ኬኤዜ ኮዥ ሃይሶይዳገ ዲማዲ ኮሺ ሃይሴ ዒንሂም
ኬኤዜያ ማዔቴ ዩይ ጋዳንቁንቴያ ማጾም።

9 ሃያኮ ቤርታ ታ ዒንሂም ጌዔሂጉዲ ሃሣ ታ ዒንሂም ጋዓኔ፡-
ዒንሂ ዋይዚ ዔኬሂዳገ ዲማ ሜሌ ኮሺ ሃይሴ ጾኦሲያ ዒንሂም
ኬኤዜቴ ዩይ ጋዳንቁንቴያ ማጾም።

10 ዓከሪ ሃሂ ታኣኒ ኮዓሂ ዓሲ ታና ሄርሻንዳጉዲም ጾኦሲ
ሄርሻንዳጉዲዳይ? ሃሣ ዓሲ ታ ዋዛሳኒ ኮዓያ ዒንሂም ማላ? ዓሲ
ታ ዋዛሳኒ ኮዓያ ማዔቴ ኪሪስቶስም ታ ማዳያ ማዓዓታንቴኬ።

ጳውሎስኮ ጾኦሲ ማዳም ዔኤሊንቴያ

11 ታ ዒሸንሂ! ታ ሚሸንሂ! ታ ዒንሂም ኬኤዜ ኮዥ ሃይሳ ዓሲ
ኬሴ ማለሂዳገ ማዒባኣሂ ታ ዒንሂም ዔርዛኬ፤

12 ዋይቴ ጌዔቴ ታኣም ዩያ ዩሱስ ኪሪስቶስ ፔጋሲ ዳዌኔ፤ ዓይጎ
ዓሲዳገኣ ታ ዔኪባኣሴ፤ ሃሣ ጾኦሲያ ታና ዔርዚባኣሴ።

13 ሚና ቤርታ ዓይሁዶ ካኣዥና ዋማይዲ ታ ናንጌቴያ፥
ጾኦሲ ጉሙርቃ ሺኢጲያ ማኣሮ ዓሶም ሚጨንቴዋያ ዋማይዲ ታ
ደውሴቴያ፥ ዔያቶ ባይዛኒያ ታ ዋማዒ ማሌቴያ ዒንሂ ዋይዜኔ።

1:13 ዳኪ. ማዶ 8:3፤ 22:4-5፤ 26:9-11።

14 ዓይሁድ ዓሰ ካኣዡ ዋጎ ካፒ ታናንጋኣና ዓኣ ታዒጊኖ፣ ዓይሁድ ዓሰይዳፓ ቢያ ታ ባሼኬ፤ ዓድንሢ ካኣዡ ዋጎይዳፓ ሜሌ ታ ሃሃ ኮዑዋያኬ።

15 ጋዓንቲ ታ ሾይንታንዳሢኮ ቤርታ ያኦሲ ታና ዶኦሪ ፔኤኮ ኮሹዋና ታ ዒዛም ማዳንዳጉዲ ዔኤሌኔ።

16 ዓይሁዳ ማዒባኣ ዓሰም ኮዡ ሃይሶ ታ ኬኤዛንዳጉዲ ያኦሲ ፔና ዓሢ ታኣም ፔጋሲ ዳዋኒ ማሌ ዋዶና ዓይጎ ዓሲናኣ ታ ዘርቲባኣሴ፤

17 ሃሃ ታኣኮ ቤርታ ያኦሲ ማዶም ዳኪንቲዘንሢሢና ካኣሚኒ ዩሩሳላሜ ዒማና ታ ዴንዲባኣሴ፤ ጋዓንቲ ቤርታዲ ታኣኒ ዓሬቤ ዓጪ ዓኣዴኔ፤ ዩካፓ ታ ጊንሣ ዴማሰቆ ማዒ ሙኬኔ።

18 ሃይሃ ሌዔኮ ጊንፃፓ ጳዒርሴና ካኣሚ ጌሰታኒ ዩሩሳላሜ ታ ዴንዲ፣ ዒኢካ ዒዛና ዋላ ታጳ ዶንጎ ኬሊ ታ ዴዔኔ።

19 ጋዓንቲ ጎዳኮ ጌርሲ፣ ያይቆኦቤይዳፓ ዓታዛ ያኦሲ ማዶም ዳኪንቲዘንሢሢዳፓ ያናኣ ታ ዴንቂባኣሴ።

20 ሃይ ታ ዒንሢም ፃኣፓሢ ሉኡዚቲዋኣሢ ያኦሲ ቤርታ ታ ዒንሢም ዔርዘኔ።

21 ዩካፓ ሶኦሪያና ኪልቂያ ጋዓ ዓጪ ታ ዴንዴኔ።

22 ዩማና ዪሁዳ ዓጮይዳ ዓኣ፣ ኪሪሰቶሴ ጉሙርቃ ሺኢጲያ ማኣሮ ዓሳ ታና ዛጊ ቤቂባኣሴ።

23 ዔያታ ዋይዚሢ፡- «ዩይ ሚና ኑና ዒዒ ዳውሳ ዓሢ ዩኖ ዒ ባይዛንዳኔ ጌዒ ኮዓ ካኣኹሎ ዛሎ ሃሢ ኬኤዛኔ» ጋዓ ሃይሴ ሌሊኬ።

24 ታ ዛሎርዋ ያኦሲ ዔያታ ጋላቲኔ።

2

ጳውሎሴ ሃንጎ ያኦሲ ማዶም ዳኪንቲዘንሢሢና ዔርቲሢ

1 ታጳ ያይዶ ሌዔኮ ጊንፃፓ ባርናባሴና ዋላ ዩሩሳላሜ ታ ዓኣዳያ ቲቶ ታኣና ዋላ ዔኪ ዓኣዴኔ።

2 ታ ዒኢካ ዴንዴሢ ያኦሲ ታኣም ፔጋሲ ዳዋ ጎይያናኬ። ዩያኮ ቤርታ ታ ማዶ ባኮንታ ሃሢ ታ ማዳሢ ጉሪ ዓቲዋጉዲ ጌይሢና ዓይሁዳ ማዒባኣ ዓሰም ታ ኬኤዛ ኮዡ ሃይሶ ዔያቶኮ ዴኤፖ ዴኤፖ ሱኡጎ ዲማሲ ታ ኬኤዜኔ።

1:14 ዳኪ. ማዶ 22:3። 1:16 ዳኪ. ማዶ 9:3-6፤ 22:6-10፤ 26:13-18። 1:18 ዳኪ. ማዶ 9:26-30። 2:1 ዳኪ. ማዶ 11:30፤ 15:2።

3 ታኣና ዎላ ዓኣ ቲቶ ዎዚ ዒ ጊሪኬ ዓሲ ማዔቴያ ዓቲንቶ ቤርቶ ዒ ቲቁንታንዳጉዲ ዎልቁና ዓይሢንቲባኣሴ።

4 ጋዓንቴ ኩኩ ባኣኮ ዔርቲዎዎ ዓኣሺንቲ ጌሌ ፔቴ ፔቴ ሉኡቃ ዒሸንሢ ዒዚ ዓቲንቶ ቤርቶ ቲቁንታንዳጉዲ ኮዔኔ፤ ዩንሢ ዓሳ ኑ ባኣኮ ዔርቲዎዎ ጌሌሢ ዩሱሰ ኪሪሰቶሴና ኩኩ ጎማፓ ጌኤሸኪያ ሙሪ ዛጋኒና ኑና ዓይሌ ማሃኒ ማሊኬ።

5 ኩኩ ጋዓንቴ ኮዎ ሃይሶኮ ጎኑማ ዒንሢና ዶዲ ናንጋንዳጉዲ ጌይሢና ዳካ ዎዴታዎ ዔያቶ ማሊያም ባሺንቲባኣሴ።

6 ዩንሢ ዓሶ ዔኪ ዓኣዳያ ማላዞንሢ ዛሎ ጋዓንቴ ያኦሲ ዓሲኮ ዓኣፒ ካራ ዛጊ ዓሲ ዲማሱዎኣሢሮ ዔያቶኮ ደኤፑማ ታኣም ዔኤቢቲዎሴ፤ ዩንሢ ዓሶ ዔኪ ዓኣዳኔ ጌይንታዞንሢዳፓ ታኣኒ ኬኤዛ ኮዎ ሃይሶ ቃኣሎይዳ ታና ማኣዳ፣ ዓይጎዎ ዓኪ ባኣዚ ታ ዴንቁባኣሴ።

7 ጋዓንቴ ያኦሲ ጴዳሮሴ ዓይሁዶ ዓሶም ኮዎ ሃይሶ ኬኤዛንዳያ ማሃሢ፤ ታናኣ ኮዎ ሃይሶ ቃኣሎ ዓይሁዴ ማዒባኣ ዓሶም ኬኤዛንዳጉዲ ማሃሢ ዔያታ ዔሬኔ፤

8 ዩያሮ ጴዳሮሴ ዓይሁዴ ዓሶም ያኦሲ ማዶም ዳኪንቴያ ማዒ ማዳንዳጉዲ ማሃ ያኣዛሢ ታናኣ ዓይሁዴ ማዒባኣ ዓሶም ዳኪንቲ ማዳያ ማሃኔ።

9 ዓሶ ዔኪ ዓኣዳያ ማላ፣ ያይቆኦቤና ጴዳሮሴና ዮሃኒሴና ያኦሲ ታኣም ሃያ ዲማ ማዶ ዒንጌሢ ዔራዎ ታኣና ባርናባሴና ዎላ ዔያታ ፔቴ ማዒያ ዔርዛ ማላታ ማዒ ማዛቆ ኩጮና ኑ ዎሊ ዓርቁኔ፤ ዩካፓ ኩኩ ዓይሁዴ ማዒባኣ ዓሶ ባንሢ ዓኣዴም፤ ዔያታ ዓይሁዴ ዓሶ ባንሢ ዓኣዳኒ ኑ ዎላ ጮኣቁኔ።

10 ዩይ ያዲ ማዔቴያ ዔያቶኮ ባኣካ ዓኣ ማንቆ ዓሶ ኩኩ ማኣዳንዳጉዲ ዔያታ ኩና ሺኣቁኔ፤ ታኣኒያ ዩያ ማዳኒ ማርጌ ማላያኬ።

ጳውሎሴኮ ዓንጾኪያይዳ ጴዳሮሴ ጎሪያ

11 ጴዳሮሴ ዓንጾኪያ ሙካዛ ፔጌና ዒ ዳቤሢሮ ፔጋ ታ ዒዛ ጎሬኔ፤

12 ያይቆኦቤ ዳኬ፣ ፔቴ ፔቴ ዓሳ ዓንጾኪያ ሙካንዳሢኮ ቤርታ ዓይሁዴ ማዒባኣ ዓሶና ዎላ ዒ ሙዓኔ፤ ዔያታ ሙኬሢኮ ጊንፃ ጋዓንቴ «ዓይሁዴ ዓሲቲዎዎ ኪሪሰቶሴ ጉሙርቁ ዓሳ ዓቲንቶ ቤርቶ ቲቁንታንዳያ ኮይሳኔ» ጋዓ ዓይሁዶ ዓሶ ዒጊጩሢና ሎኦሺ፣ ዓይሁዴ ማዒባኣ ዓሶይዳፓ ዲማዴኔ።

2:6 ላሚ. ዎማ 10:17::

13 ሃንጎዋታ ዓይሁድታዎ ኪሪስቶስ ጉሙርቃ ዓሳ ጰደሮሴ ማዳሚጉዲ ማዳዛ ባርናባሴያ ዔያቶ ጎይዎ ማዳሚዳ ጌሌኔ።

14 ዔያቶኮ ማዳ ኮዡ ሃይሶ ጎኑሞ ጎይዎጉዲ ፒዜቱዋሢ ታ ዛጋዎ ጰደሮሴ ኮይላ፡- «ኔኤኒ ዓይሁዳ ዓሲታዎ ዓይሁድ ዓሶ ካኣዡ ዋጎናቱዋንቴ ዓይሁዳ ማዒባኣ ዓሶ ካኣዡ ዋጎ ጎይዎ ኔ ናንጋያኬ። ሂዳዎ ዓይሁዳ ማዒባኣ ዓሳ ዓይሁድ ካኣዡ ዋጎ ጎይዎ ናንጋንዳጉዲ ዓይጎር ኔ ዔያቶ ዋልቃዲ ዓይሃይ?» ጌይ ቢያሢ ቤርታ ታ ዒዛ ጎሪኔ።

ዓይሁዳታቴያ ቱዋቴያ ዓሲ ጉሙርቁሢና ሌሊ ደቃያ ማዒዎ

15 ጎኔኬ፣ ኦኡኮ ዜርዎ ዓይሁዳኬ፤ ጎሞ ዓሶ፣ ዓይሁዳ ማዒባኣ ዓሶጉዲቱዋሴ።

16 ጋዓንቴ ዓሲ ያኦሲ ቤርታ ያላሢ ዬሱስ ኪሪስቶስ ጉሙርቁሢና ማዓንዳፓዓቴሞ ሙሴ ዔርዜ ዋጎ ኩንሥሢናቱዋኣሢ ኦ ዔራኔ፤ ኦኡኒያ ዋጎ ኩንሥሢናቱዋንቴ ኪሪስቶስ ጉሙርቁሢና ያኦሲ ቤርታ ያላኒ ዬሱስ ኪሪስቶስ ኦ ጉሙርቁኔ፤ ዓይጎር ጌዔቴ ዓይጎ ዓሲያ ሙሴ ዔርዜ ዋጎ ኩንሥሢና ያሉዋሴ።

17 ኪሪስቶሴና ኦኡኮ ዋላ ዓኣ ፔቱሞና ያኦሲ ቤርታ ኦ ያላኒ ኮዓዎ ኦኡኒ ኦ ቶኦኪና ጎሜ ዓሲ ማዒ ጰደያታቶ ጎሜይዳ ኦና ዔኪ ጌልዛሢ ኪሪስቶሴኬ ጌይሢዳ? ፔቱታዎ ያዲቱዋሴ!

18 ጋዓንቴ ታኣኒ ሻሄ ካኣዡ ዋጎ ማሢ ጊንሣ ማዳሢ ታና ማዔቴ ታኣኒ ታ ቶኦኪና ዋጌ ሻሃያ ማዒሢ ዔርዛኔ ጌይሢኬ።

19 ታኣኒ ያኦሲሞ ናንጋንዳኔ ጌይ ዋጎ ዛሎና ሃይቢና ዲማዲሢጉዲ ዋጌይዳፓ ታ ዲማዴኔ።

20 ታኣኒ ኪሪስቶሴና ዋላ ሱዲንቴያጉዲ ማዒ ፓይዲንቴሢር ሃካፓ ሴካ ኪሪስቶሴ ታ ጌዳ ናንጋንዳፓዓቴሞ ታ ታኣር ናንጋያቱዋሴ፤ ሃሢያ ታኣኒ ዓሲ ማዒ ናንጋ ናንጋ፣ ታና ናሽኬሢና ታ ጋይቴ ፔና ዓኣሢ ዒንጌ፣ ያኦዛሢ ናዓሢ ጉሙርቁያና ጰዴ ናንጎናኬ።

21 ያኦሲኮ ኩሹሞ ዒንጊያ ታኣኒ ሹሌዒሲ ዛጉዋሴ፤ ዓሲ ያኦሲ ቤርታ ያላሢ ሙሴ ዔርዜ ዋጎ ኩንሥሢናታቴ ኪሪስቶሴ ሃይቁሢ ጉሪኬ ጌይሢኬ።

3

ኪሪስቶስ ጉሙርቁሢና ዋጎና ዛላ

2:16 ዓይኑ. 143:2፤ ሮሜ 3:20፤22።

1 ዒንሢ ሃይ፥ ማሊ ጳቂሁዋ ጋላቴያ ዓጮ ዓሳ! ያ ጌሺ ዒኖ ዒንሢኮ ባይዜይ? ኪሪሰቶሴኮ ፑርቶ ዓሶ ሱዖ ሚያይዳ ሱዒንቲ ሃይቂያ ዛሎ ዒንሢ ዛዛጋጉዲ ፔጋሲ ታ ዒንሢም ኬኤዜኔ።

2 ታኣኒ ሃሢ ዒንሢዳፓ ፔቴ ዔራኒ ኮዓ ባኣዚ ዓኣኔ፤ ዒንሢ ዓያኖ ጌኤዠ ዔኬሢ ሙሴ ዔርዜ ዋጎ ኩንሥሢናዎ ኮዠ ሃይሶ ቃኣሎ ዋይዚ ጉሙርቂያናዳይ?

3 ዒንሢ ዓይያ ያኣሲ ዓያናና ዓርቃያ ዓሲ ዋልቁና ኩንሢኒ ኮዓኔ፤ ሃይሾ ዒንሢ ሃኣዲ ዔኤያኬ!

4 ኮዠ ሃይሶ ዛሎና ዒንሢ ዔኬ ሜታሢ ቢያ ጉሪ ማዒ ዓቴኔ ጌይሢዳ? ዬይ ጉሪ ዓቲባኣኬ!

5 ያኣሲ ፔኤኮ ዓያኖ ዒንሢም ዒንጋሢና ዒንሢ ኮራ ፔ ዋልቆና ማዲንታ ዓኮ ባኮ ማዲሢ ሙሴ ዔርዜ ዋጎ ዒንሢ ኩንሥሢናዎ ኮዠ ሃይሶ ቃኣሎ ዋይዚ ዒንሢ ጉሙርቃሢሮዳይ?

6 ሂንዳ ዓብራሃሜሲ ማሉዋቴ፦ «ዓብራሃሜ ያኣሲ ጉሙርቂኔ፤ ያኣሲያ ዒዛ ፔ ዓሲ ማሄኔ» ጌይንቲ ያኣፒንቲኔ።

7 ዓካሪ፤ ያኣሲ ጉሙርቃዞንሢ ቢያ ዓብራሃሜ ናኣቶ ማዓሢ ዔሩዋቴ።

8 ያኣሲ ዓይሁዴ ማዒባኣ ዓሶ ጉሙርቂሢ ዛላና ዒሊሳንዳያ ማዒሢ ጌኤዠ ማፃኣፓ ቤርታዲ ዴንቁ፦ «ዴራ ቢያ ኔ ዛሎና ዓንጂንታንዳኔ» ጌይሢና ቤርታ ዓብራሃሜም ኮዠ ሃይሶ ቃኣሎ ኬኤዜኔ።

9 ዬያሮ ያኣሲ ጉሙርቃዞንሢ ቢያ ያኣሲ ጉሙርቂ፥ ዓብራሃሜጉዲ ዓንጂንቲያኬ።

10 «ዋጎ ኩንሢያና ኑ ዒላንዳኔ» ጋዓዞንሢ ቢያ ጋዳንቂንቲያኬ፤ ዓይጎሮ ጌዔቴ፦ «ሙሴ ዔርዜ ዋጎ ማፃኣፓይዳ ያኣፒንቲ ዓይሢያና ቢያ ደዲ ናንጉዋያ ሃሃ ማዲ ኩንሡዋ ዓሲ ጋዳንቂንቲያኬ» ጌይንቲ ያኣፒንቲሢሮኬ።

11 «ዒሎ ዓሲ ጉሙርቂሢና ሸምፔና ናንጋኔ» ጌይንቲ ያኣፒንቲሢሮ ዋጎ ኩንሥሢና ዓይጎ ዓሲያ ያኣሲ ቤርቶይዳ ዒሉዋኣሢ ዔርቲያኬ።

12 ዋጌ ጉሙርቂሢና ዓርቂንቲ ባኣዚቱዋሴ፤ ጋዓንቲ «ዓሲ ዋጌና ናንጋኒ ዳንዳዓሢ ዋጎ ዓይሢያ ቢያ ኩንሢቶኬ» ጌይንቲ ያኣፒንቲኔ።

3:6 ማዠ. ማፃ 15:6፤ ሮሜ 4:3። 3:7 ሮሜ 4:16። 3:8 ማዠ. ማፃ 12:3።
3:10 ላሚ. ዋማ 27:26። 3:11 ዒምባ. 2:4። 3:12 ሉዊ. ዓኬ 18:5።

13 «ሚሠዳ ሱዲንቲ ሃይቃ ዓሲ ቢያ ጋዳንቁንቲያኩ» ጌይንቲ ፃኣፒንቲኔ፤ ኪሪሰቶሴ ኑ ጋይቲ ጌይ ሱዲንቲያና ጋዳንቁንቲያ ማዒ ምጎ ጋዳሞይዳፓ ኑና ዳቁሼኔ።

14 ዬይ ያዲ ማዔሚ ያኦሲ ዓብራሃሚም ዒንጌ ዓንጃ ዬሱስ ኪሪሰቶሴ ዛሎና ዓይሁዴ ማዒባኣ ዓሶ ሄላንዳጉዲ፤ ሃሃ ያኦሲ፡- «ታ ዒንሢም ዒንጋንዳኔ» ጌዔ ዓያኖ ጌኤጉሞ ጉሙርቂሢና ኑ ዔካንዳጉዲኩ።

ሙሴ ምጎና ሃጊ ማዓንዳ ምዘና

15 ታ ዒሺንሃ! ታ ሚሸንሃ! ዓሲም ዔርታ ማላታ ማዓንዳ ባኣዚ ታ ዒንሢም ኩኤዘም። ዓሲ ምላ ጫኣቁሞ ጫኣቁሰካፓ ያኦሲያ ዬኖ ጫኣቁሞ ሃሻኒና ጊዳ ቃሳኒያ ዳንዳዑሞሴ።

16 ያኦሲ ዓብራሃሚና ዒዛኮ ዜርያናም ሃጊ ማዓንዳ ምዘ ቃኣሎ ዒንጌሢ ዬኖ ጎይያኩ፤ ጌኤጉ ማፃኣፓ ሃጊ ማዓንዳ ምዘ ቃኣላ ሚርጌ ዓሲም ማዓያ ማሂ፡ «ኔ ዜርያም» ጎዑሞሴ፤ ጋዓንቲ ፔቲ ዓሲም ማዓያ ማሂ፡ «ኔ ዜርያሢም» ጋዓኔ፤ ዬይያ «ኔ ዜርያሢ» ጌይንቲሢ ኪሪሰቶሴኩ።

17 ዓካሪ፡ ታ ሂዚ ጋዓኔ፤ ያይዶ ጭኦታና ሃይሢታሚ ለዔኮ ጊንፃፓ ዒንጊንቲ ምጋ ቤርታዲ ያኦሲ ዔሪ ደዲሼ ጫኣቁሞ ዓይሲ፡ ዒንጊንቲ ምዘ ቃኣሎሞ ጉሪ ማሂኒ ዳንዳዑሞሴ።

18 ያኦሲኮ ዒንጊፃ ምጌ ዛላና ጴዳያታቲ፡ ያኦሲ ዒንጌ ሃጊ ማዓንዳ ምዘ ቃኣሎና ማዒፃ ዒታንዳንቲኩ፤ ጋዓንቲ ያኦሲ ዓብራሃሚም ዒንጌ ዒንጊፃ ሃጊ ማዓንዳ ምዘ ቃኣሎናኩ።

19 ሂዳያ ምጌ ዒንጊንቲሢ ዓይጌንዳሮዳይ? ምጌ ጊዳ ቃሲንቲሢ ዓብራሃሚም ሃጊ ማዓንዳ ምዘ ቃኣሎና ዒንጊንቲ ዜርያሢ ሙካንዳያ ሄላንዳኣና ፑርታ ማዶ ዓይጎ ማዔቲያ ዔርዛኒኩ፤ ምጌ ሙኩሢ ያኦሲና ዓሲና ባኣካ ማዔ፡ ዓሢም ያኦሲ ኪኢታንቶ ዛሎና ኩኤዚንቲምኩ።

20 ዬይ ያዲ ማዔቲያ ባኣካ ማዔ ዓሢ ፔቲ ዜርሢም ለሊ ዔቃያቲሞሴ፤ ያኦሲ ጋዓንቲ ፔቲኩ።

21 ዓካሪ፤ ሙሴ ምጋ ያኦሲኮ ሃጊ ማዓንዳ ምዘ ቃኣሎና ምላ ጊኣጉሞያዶ? ያዲቲሞሴ! ሹምፖ ዒንጋ ምጌ ዒንጊንቲያ ማዔቲ ጂሊም ምጌም ዓይሢንቲሢና ጴዳያ ናንዳንቲኩ።

22 ጋዓንቲ ጌኤጉ ማፃኣፓ ዓጫ ጉቤ ጎሚና ቲኡቲያ ማዔኔ ጋዓኔ፤ ዬይያ፡- ዬሱስ ኪሪሰቶሴ ጉሙርቂያና ጴዳ ምዘ ቃኣላ ጉሙርቃዘንሢም ዒንጊንታንዳጉዲኩ።

3:13 ላሚ. ምፃ 21:23። 3:16 ማዢ. ማፃ 12:7። 3:17 ኩሲ. ማፃ 12:40።
3:18 ሮሚ 4:14።

23 ዬይ ኪሪስቶስ ጉሙርቂፆ ሙካንዳሢኮ ቤርታ ዎጎ ዛሎና ኑ ቱኩሲ ዓሲ ማዒ ዬይ ፔጋዳንዳያ ሄላንዳኣና ካራ ኑም ባይቄያ ማዒ።

24 ዬያሮ ጉሙርቂፆና ኑ ያላንዳጉዲ ኪሪስቶስ ሙካንዳያ ሄላንዳኣና ሙሴ ዎጋ ኑና ዔርዚ ዔርዚ ዲቻያ ማዒ።

25 ሃሢ ጋዓንቴ ኪሪስቶስ ጉሙርቂሢ ሙከሚሮ ዎጌ ኑና ዔርዚ ዔርዚ ዲቻያ ማዒ ዓቴ።

26 ዬሱስ ኪሪስቶስ ጉሙርቂፆና ዒንሢ ቢያሢ ያኦሲ ናይኬ።

27 ኪሪስቶስና ዎላ ፔቴ ማዒን ዎኣፆና ማሰቴ ዓሳ ቢያ ኪሪስቶስ ዒንሢ ማኣዒ።

28 ቢያሢ ዬሱስ ኪሪስቶስ ዛሎና ፔቴ ዒንሢ ማዒሢሮ ዓይሁዳና ዓይሁዳ ማዒባኣ ዓሲና፣ ማዳሢና ማዳሻሢና፣ ዓቲንቄና ላኣለናኮ ባኣካ ዲሙሞ ባኣሴ።

29 ዓካሪ ዒንሢ ኪሪስቶስሮ ማዒቶ ዓብራሃሜ ዜርፆኬ፤ ዒንጊንቴ ዎዘ ቃኣሎ ጎይፆና ዒዛና ዎላ ዒንሢ ያኦሲ ዒንጋ ባኮ ዔካንዳዘንሢ።

4

1 ሃሢ ታ ሃዚ ጋዓ።- ዓዶ ዳካላኒ ቶይዶ ናፆ ማዒሢ ናይ ዓኣፆ ዎዚ ዒ ዓዶ ቆሎኮ ቢያ ቢቲ ማዒቴያ ማኣራ ዓኣ ካራሞይዳፓ ዒ ዲማቱዎሴ።

2 ጋዓንቴ ዓዴ ዒዛም ጌዔ ዎዶ ሄላንዳኣና ዒዛ ዔርዚ ዔርዚ ዲቻ ዓሶ ዴማ ዒ ማዒ።

3 ዬያጉዲ ኑኩኒ ያኦሲ ዓያኖ ባኮ ዛሎና ናይ ዓኣ ዎዶና ሃያ ዓጮ ካኣኮ ዎጎም ዓይሌ ማዒ ኑ ዎርቃያኬ።

4 ጋዓንቴ ያኦሲ ጌዔ ዎዳ ሄላዛ ዓሲዳፓ ሸይንቴያ፤ ሃሃ ዎጎም ዓይሢንታያ ማዒ ፔኤኮ ናዓሢ ዒዚ ኑም ዳኬ፤

5 ዬያ ዒ ማዳሢ ዎጎም ዓይሢንታያ ማዒዘንሢ ዳቂሻኒና ኑናኣ ዒዛኮ ኮሹሞና ፔ ናይ ማሃኒኬ።

6 ያኦሲ ናይ ኑ ማዒሢሮ፡- «ታ ዓዴ» ጌይ ዒዛ ዔኤላ፣ ፔኤኮ ናዓሢ ዓያኖ ኑም ዒ ዳኬ።

7 ዬያሮ ሃይፓ ሴካ ያኦሲኮ ኔ ናይ ማዓንዳፓዓቲም ዓይሌቱዎሴ፤ ያኦሲኮ ኔ ናይ ማዒያታቴ ያኦሲ ፔ ናኣቶም ጊኢጊሼ ባኮ ቢያ ኔኤም ዒንጋንዳ።

ጳውሎስ ጋላቲያ ዓሰም ማሌ ማሊያ

8 ሃያኮ ቤርታ ያኦሲ ዲንሢ ዔሪባኣሢሮ ካኣሽኮንዶ ባኣዚ ማዒባኣ ባኮም ዓይሌ ማዒ ዲንሢ ናንጌኔ።

9 ሃሢ ጋዓንቴ ዲንሢ ያኦሲ ዔሪኔ፤ ለሚታ ኬኤዛኒ ኮዔቴ ያኦሲያ ዲንሢ ዔሪኔ። ሂዳዖ ገንሣ ዩያ ፓሡቀያና ለቤያ ማዔ፣ ዓጮ ካኣኸ ሞጎ ባንሢ ሞዲ ዲንሢ ማዔይ? ሃሃ ሞዲ ዲንሢ ለሚ ዔያቶኮ ዓይሌ ማዓኒ ኮዔይ?

10 ዲማ ዲማ ኬሎ፣ ዓጊኖ፣ ሞዶንታ ሌዖንታ ዲንሢ ቦንቻኔ።

11 ዬያሮ ታ ዲንሢ ማኣዳኒ ላቢንቲ ማዳ ማዳ ጉሪ ማዓንዳሲንታኔ ጌይ ታ ሂርጋኔ።

12 ታ ዲሾንሦ! ታ ሚሾንሦ! ታ ዲንሢጉዲ ማዔሢሮ ዲንሢያ ታጉዲ ማዐቀቴ ጌይ ታ ሺኢቃኔ፤ ዲንሢ ታኣም ዓይጎሞ ፑርቲሲባኣሴ።

13 ቤርቲ ቤርታ ኮኸ ሃይሶ ታ ዲንሢም ኬኤዛኒ ዳንዳዔሢ ታኣኮ ሃርጎ ዛሎና ማዔሢ ዲንሢ ዔሪኔ።

14 ሞዚ ዲንሢም ታኣኮ ሃርጋ ሜቶ ማዔያታቴያ ዲንሢ ታና ቦሂባኣሴ፤ ሃሃ ሻኣኪንቲባኣሴ። ጋዓንቴ ያኦሲኮ ኪኢታንቻጉዲ ዬያፓ ዑሣ ኪሪሰቶሴ ቦንቹ ዔካያጉዲ ታና ዲንሢ ቦንቹ ዔኬኔ።

15 ሃሢ ሃያኮ ቤርታ ዲንሢ ታ ዛሎና ሞዛዳ ሞዛ ቢያ ሞዎይቴይ? ዬኖና ዲንሢም ዳንዳዒንታቴ ዲንሢኮ ዓኣፖታዖ ታኣም ዲንጋንዳጉዲ ታሃሃ ታ ታ ቶኦኪና ዬያኮ ማርካኬ።

16 ሃዳዖ ሃሢ ጎኑሞ ታ ዲንሢም ኬኤዛሢሮ ዲንሢኮ ሞርኬ ታ ማዒያ?

17 ሃንጎ ዓጎ ዲንሢ ዛሎ ማሊ ሜታዳንዳያ ናንዳኔ፤ ማዔቴያ ዬያ ዔያታ ማዳሢ ኮሹሞምቱሞሴ፤ ዔያቶኮ ማሊ፡- ዲንሢ ኑ ጊዳፓ ዲማዳንዳጉዲና ዔያቶም ዲንሢ ባሼ ማላንዳጉዲኬ።

18 ኮሹሞ ባኣዚምታቴ ዲዲ ማሊ፡ ኮሺኬ፤ ጋዓንቴ ዬይ ዲንሢኮ ታኣኒ ዲንሢና ናንጋ ሞዶና ሌሊ ማዖፓ።

19 ታ ናይዮቴ! ኪሪሰቶሴ ዲንሢዳ ፔጋዲ ጴዳንዳያ ሂላንዳኣና ገንሣ ዲንሢ ዛሎ ማሊ፡ና ሾይቹ ቆፃሢ ሜታጎሢጉዲ ሜቶይዳ ታ ዓኣኔ።

20 ዲማ ማዔ ጎይሢና ዲንሢም ኬኤዛኒ ሃሢ ታ ዲንሢ ኮራታቴ ዓይጎ! ጋዓንቴ ዓይጎ ታ ማዳንዳቴያ ዔርቶ ዲፂ ባሼሢሮ ታ ሜታዳኔ።

ዓጋሮና ሳኣራናኮ ኮኣኪንሦ ማዒያ

21 ዲንሢ ሙሴ ዔርኬ ሞጎም ዓይሢንቲ ናንጋኒ ኮዓ ዓጎ፣ ሂንዳ ታኣም ኬኤዙሞቴ፤ ሞጋ ሞዚ ጋዓቴያ ዲንሢ ሞይዙሞዓዳ?

22 ዋጎ ማፃኣገይዳ፡- «ዓብራሃሜኮ ለምዎ ናይ ዓኣኔ፤ ፔቲሢ ዒዛኮ ዓይሌላ ሾዔያ ማዓዛ፣ ባጋሢ ሾይንቴሢ ማኣር ዒንዶይዳገኩ» ጌይንቲ ፃኣፒንቴኔ።

23 ዓይሌሎይዳገ ሾይንቴሢ ዓሲ ማሊሢና ማዓዛ ማኣር ዒንዶ ናዓሢ ሾይንቴሢ ጋዓንቴ ያኦሲ ዒንጌ ዋዘ ቃኣሎ ጎይያናኩ።

24 ዩንሢ ለምዎ ለኣሎንሢ ያኦሲ ጫኣቄ ለምዎ ጫኣቄሞኮ ኮኣኪንሢ ማዓኔ። ፔቲዛ፣ ሲና ዲኮና ኮኣኪንሢንጎዛ ዓጋኣርኬ፤ ዒዛ ናኣቶ ሾዓሢ ዓይሌሞምኩ።

25 ዓጋኣራ ዓሬቦ ዓጮይዳ ዓኣ፣ ሲና ዲኮ ማላጎኩ፤ ዩያር ሃሢ ዓኣ ዩሩሳላሜ ማላኔ፤ ዒዛ ፔኤኮ ናኣቶና ዋላ ዓይሌሞይዳ ዓኣያኩ።

26 ሎ ጫሪንጫገ ማዔ፣ ዩሩሳላሜ ጋዓንቴ ዓይሌቱሞሴ፤ ዒዛ ኦኤኮ ዒንዶሎኩ።

27 ዓይጎር ጌዔቶ፡-

«ኔኤኒ ናይ ሾውዋ ዘኣኬሌ ዋዛዴ!

ኔኤኒ ሾዓኒ ባኒ ዔሩዋዜሌ ዒላሼ!

ዓኒ ዓኣ ለኣሌሎይዳገ ባሼ

ዓኒ ሃሼ ለኣሌሎኮ ሚርጌ ናይ ዓኣያ ማዓንዳኔ»

ጌይንቲ ፃኣፒንቴኔ።

28 ታ ዒሾንሢ! ታ ሚሾንሢ! ዒንሢያ ዩሳኣቄጉዲ ዒንጊንቴ ዋዘ ቃኣሎ ናኣቶኩ።

29 ጋዓንቴ ዩና ዋዶና ዓሲ ማሊሢና ሾይንቴሢ ዓያኖ ማሊያና ሾይንቴሢ ዒዲ ደውሴሢጎዲ ሃኖዋ ዩያጉዲኩ።

30 ጋዓንቴ ጌኤኮ ማፃኣገ ዩያ ዛሎ ዋዜ ጋዓይ? ማፃኣገ፡- «ዓይሌሎ ናዓሢ ማኣር ዒንዳ ሾዔ ናዓሢና ዋላ ዓዶ ባኮ ዳካሊንዲሞሢር ዓይሌሎ ናዓሢና ዋላ ኬሲ ዳኩ» ጋዓኔ።

31 ዩያር ታ ዒሾንሢ! ታ ሚሾንሢ! ኦኤኒ ማኣር ዒንዶ ናኣቶኩ፤ ዓይሌሎ ናኣቶቱሞሴ።

5

1 ዓይሌሞገ ኦ ኬሰከ፣ ሜታ ባኣያ ናንጋንዳጉዲ ኪሪሰቶሴ ኦና ሙሴ ዔርዜ ዋጎ ዓይሌሞገ ኬሴኔ። ዩያር ዶዲ ዔቁዋቱ፤ ለሚ ዩያ ዓይሌሞይዳ ጌሊፖቲ።

ኪሪሰቶሴና ጳዳ ዋጌ ዓይሌሞገ ኬሰከሢ

4:22 ማኸ. ማፃ 16:15፤ 21:2። 4:27 ዒሲ. 54:1። 4:29 ማኸ. ማፃ 21:9። 4:30 ማኸ. ማፃ 21:10።

2 ሃሢ ታኣኒ፡ ጳውሎስ ዒንሢም ሂዚ ጋዓኔ፡- «ዓቲንቴ ቤርቲ ቲቁንታንዲያ ኑና ኮይሳኔ» ጌራ ዒንሢ ዓቲንቶ ቤርቶ ቲቁንቴቴ ኪሪሰቶስ ዒንሢ ማኣዲዎያ ማዓንዳኔ፤

3 «ዓቲንቴ ቤርቲ ቲቁሢ ታኣም ኮይሳኔ» ጌይ ቲቁንታይ ቢያ «ሙሴ ዔርዜ ዎጎ ቢያ ካፒ ኩንሣንዲያ ኮይሳኔ» ጌይ ላሚ ታ ላቲ ኬኤዛኣኬ።

4 ዒንሢ ዎጎ ካፒ ያላኒ ኮዓዞንሢ ቢያ ኪሪሰቶሴይዳፓ ዲማዲ፡ ያኦሲኮ ኮሹሞ ዒንጊያ ዳቁንታፓኣ ዒንሢ ሃኬኔ።

5 ኑኡኒ ጋዓንቴ ዲሉሞ ዳንቃኒ ዎዛ ጌሣሢ ያኦሲ ዓያኖ ዛሎና ጉሙርቁሢናኬ።

6 ዓይጎር ጌዔቴ ኑና ማኣዲንዲሢ ኑኡኒ ዬሱሰ ኪሪሰቶሴና ዎላ ፔቴ ማዔም ናሹሞ ዛላና ማዲይዳ ፔኤቃ ጉሙርቁሢ ማዓንዳኣፓዓቴም ዓቲንቴ ቤርቲ ቲቁንቴቴያ ሃሹቴያ ኑና ማኣዳዓኬ።

7 ሃይማ ሄላንዳኣና ዒንሢ ቃራታዎ ሃሢ ዒንሢ ጎኑሞም ዓይሢንቴዎጉዲ ያ ላኣጌይ?

8 ዬያጉዴ ጌሺፃ ዒንሢ ኮራ ሙኬሢ ዒንሢ ዔኤሌ፡ ያኦዛሢዳፓቴዎሴ።

9 ዬይያ፡- «ዳካ ሙኑቃ ፃኣዛ ሙኑቆ ቢያ ካዲሳኔ» ጌይንቴሢጉዲኬ።

10 ፔቴታዎ ማሌ ፑርታ ማሊሢ ዒንሢኮ ባኣሢ ታኣኒ ጎዳና ማዒ ጉሙርቃኔ። ጋዓንቴ ዒንሢ ዳቢሻኒ ማላይ ዓኣቶ ዬይ ዓሢ ዒዛም ኮይሳ ሜቶ ዔካንዳኔ።

11 ታ ዒሹንሦ! ታ ሚሹንሦ! ታኣኒ ሃኖ ሄላንዳኣና ኬኤዛሢ፡- «ዳቁንታር ዓቲንቴ ቤርቲ ቲቁንቴሢ ኮይሳኔ» ጌይ ጌይታቶ ሃሢ ሄላንዳኣና ዓይጎር ዒዲንቴታ ዳኪንታይ? ያዲ ማዔያታቴ ታ ኬኤዛ፡ ኪሪሰቶሴ ሃይባ ዲቆ ዓሶም ማዓንዲዎያታንቴኬ።

12 ዓካሪ ዬንሢ፡ ዒንሢ ዳቢሻኒ ኮዓ ዓሶንሢ ዓቲንቶ ቤርቶ ቲቁፃ ዓታዛ ጉቤ ቲቁቶ ቃራኬ።

13 ታ ዒሹንሦ! ታ ሚሹንሦ! ዒንሢ ዎጌ ዓይላቶይዳፓ ኬሰካንዳጉዲ ዔኤሊንቴኔ፤ ጋዓንቴ ፔቴሢ ባጋሢም ናሹሞና ዓይሢንቴ ማዳንዳኣፓዓቴም ዬይ ዒንሢኮ ዓይሉማፓ ኬሰኪፃ ዒንሢ ሱኡኬ ኩንሥሢም ማያፓ።

14 ዓይጎር ጌዔቴ፡- «ዓሲ ዓዳኔና ማሂ ናሽኬ» ጋዓዛ ሙሴ ዔርዜ ዎጎ ቢያ ዓርቁ ዓኣያኬ።

15 ጋዓንቴ ዋሊ ዲንሢ ጌኤሲና ዳዓያና ሙዓያ ማዔቴ ዲንሢ ዋላ ባይቁዋጉዲ ዲንሢና ባዴዔ።

ዓሲ ማሊሢና ዓያና ማሊሢና

16 ዓካሪ ዓያናና ናንጉዋቴ፤ ዲንሢ ዬያይዴቴ ዲንሢ ማዳኒ ሱኡካዳ ባኮ ማዳንዲዋሴ ታ ጋዓኔ።

17 ዓይጎሮ ጌዔቴ ዲንሢ ማዳኒ ሱኡካዳ ማሊያ ዓያና ማሊሢና ዋሊ ዲፃያኬ፤ ዓያናና ዲንሢ ማሊያና ዋላ ካአሙዋሴ፤ ዬያሮ ዲንሢ ማዳኒ ናሽካ ባኮ ማዳኒ ዲንሢ ዳንዳዑዋሴ።

18 ዓያና ዲንሢ ዔኪ ዓአዳያ ማዔቴ ዋጌም ዲንሢ ዋርቃያ ማዳንዲዋሴ።

19 ዓሲ ማዳኒ ሱኡካዳ ማዳ ዔርቴያኬ፤ ዬያታ፡- ማቾ ሃሣ ዓኒ ማዒባአያና ላሂሢ፤ ዲኢሳ ማዳ ማዳሢ፤ ማቾ ሃሣ ዓኒ ማዒባአያና ላሂኒ ኮዒ ዑሢ ዓርቂ ዓማሊሢ።

20 ሜሌ ካአሺ ካአሽኪሢ፤ ማርሻ ማርሺሢ፤ ዓሲ ዲፃሢ፤ ዑራ፤ ቁኢሩዋ፤ ዳጋ፤ ፔና ሌሌ ናሽኪሢ፤ ዲማዳሢ፤ ጌኔ ማዳሮ ዘርቴሢ።

21 ጌኔ ማዳ፤ ማሢንቴሢ፤ ኮይሱዋ ኮሢ ኮርጊሢና ዬያጉዴ ማዳኬ፤ ሃያኮ ቤርታ ታ ዲንሢም ላቴሢጉዲ ሃሣ ታ ዲንሢም ላቴ ኬኤዛአኬ፤ ዬያጉዴ ማዳ ማዳዘንሢ ጾኦሲ ካአቴሞይዳ ጌላዓኬ።

22 ዓያና ጌኤሺኮ ዓአፒ ጋዓንቴ፡- ናሹዋ፤ ዋዛ፤ ኮሹዋ፤ ጊቢ ዳንዳዒሢ፤ ዓሲም ኮሽኪሢ፤ ጉሙርቂንቴሢ።

23 ሼሌዑዋ፤ ፔና ዔሪ ዋይሥሢ። ዬንሢጉዴ ባኮ ዲፃ ዋጌ ባአሴ፤

24 ዬሱሰ ኪሪሰቶሴሮ ማዔ ዓሳ ፔኤኮ ፑርቶ ማሊያ ሱኡኮ ዬሱሴና ዋላ ፑርቴሴ ዓሶ ሱፃ ሚያይዳ ሱፃ ዋዳኔ።

25 ዓያናና ኑ ናንጋያ ማዔቴ ዓያና ኑና ዳዋ ጎይፃ ኑ ሃንቶም።

26 ዋሊዳ ፑርቴሞና ኑ ዔቂ ዔቂ፤ ሃሣ ቁኢሪ ቁኢሪ ጉሪ ኑ ሄርሺንቴባአያታቴ ቃራኬ።

6

ዓሲ ቢያም ኮሺ ማዳ ማዳሢ

1 ታ ዲሾንሦ! ታ ሚሾንሦ! ዓሲ ዓይጎ ባአዚ ዳቤቴያ ዲንሢ፤ ዓያናና ማዔ ዓሳ ዬያጉዴ ዓሶ ሼሌዑዋና ጊኢጊሹዋቴ፤ ጋዓንቴ ኔና ዬይ ዳቢሹዋጉዲ ኔና ዔሪ።

5:17 ሮሜ 7:15-23።

2 ዋሊ ሴካና ሃንጋና ማአዲ ማአዲ ፔቴይ ባጋህኮ ዴኤያ ባሶ ባሶንጎ፤ ዬያይዲ ኪሪሰቶሴ ዓይሄ ዋጎ ዲንህ ኩንህያ ማዓንዳ።
*

3 ያናታቴያ ሃንጎዋቶይዲፓ ዲማዳ ባአዚ ባአያታንቴ፡- «ታኣኒ ሃንጎ ዓሶፓ ባሽኬ» ጌይ ማላቶ ፔና ጌሻ።

4 ፔቴ ፔቴ ዓሳ ፔ ማዳ ዛጊ ዔርንጎ፤ ዬካፓ ፔኤሲ ሃንጎዋቶሲና ዋላ ሄካሲያ ሃሺ ፔ ማዳና ሌሊ ሄርሺንታንዳ ባአዚ ዴንቃንዳ።

5 ዓይጎር ጌዔቴ ፔቴ ፔቴህ ፔ ኬዶ ኬዳንዳያ ኮይሳሂርኬ።

6 ያኦሲ ቃኦሎ ዔሪያይዳ ዓአህ ዔርዛህና ዋላ ኮሺ ማዔ ባኮ ዘርቲ ዔካያ ማያንጎ።

7 ዲንህ ዲንህ ጌሺፖቴ፤ ያኦሲ ዓማሊንታያቴዋሴ። ዓሲ ፔ ማዳማ ዔካ።

8 ፔ ሱኡኮ ማሊያ ባኮ ማዳ ዓሲ ፔ ሱኡኮ ማሊያይዲፓ ሃይቢ ዴንቃንዳ፤ ዓያና ዋዛሳኒ ማዳ ዓህ ዓያናይዲፓ ናንጊና ናንጊ ዴንቃንዳ።

9 ኑ ማዳ ሃሺባአቶ ኮይሳ ዋዶማና ኑ ማዳህኮ ዓአፖ ኑ ዔካንዳሂር ኮሺ ማዳ ማዳህ ኑ ቤልዳዲባአቴ ቃራኬ።

10 ኑ ማዳንዳ ዋዴ ዴንቄቴ ዓሲም ቢያ ሃህ ባሽና ኪሪሰቶሴ ጉሙርቃ ዓሶም ኮሺ ማዳ ኑ ማዳም።

ጋፒንህ ዘርና ሳራሥህና

11 ሃያ ዋማይዲ ታ ኩቻ ዓንዲርሲ ታ ዲንህም ፃአፔቴ ሂንዳ ዛጉዋቴ፤

12 ዲንህ ዓቲንቶ ቤርቶ ቲቂንታንዳጉዲ ዋልቄና ዓይሃዘንህ ዙልካ ጴዳ ባአዚና ሄርሺንታዘንህ፤ ዬያ ዔያታ ማዳህ ኪሪሰቶሴኮ ሃይቦና ሜታህ ዛሎ ኬኤዛያ ማዔቴ ዳውሲንታንዳሂርኬ።

13 ዔያታ ዲንህ ዓቲንቶ ቤርቶ ቲቂሸና ሄርሺንታኒ ማዓንዳጎቲዋቴም ዔያታ ቲቂንቴ ዓሳ ፔ ቶኦኪና ዋጋ ዓይህ ጎይያ ኩንህያቴዋሴ።

14 ታኣኒ ዓጮኮ ፑርቶ ማዳፓ ዲማዳ፤ ዓጮኮ ፑርቶ ማዳ ታጊዳፓ ዲማዳ ኪሪሰቶሴና ዋላ ሃይቄ ሃይቦይዲፓ ዓታዛ ሜሌ ታ ሄርሺንታ ባአዚ ባአሴ።

15 ዓቲንቴ ቤርቲ ቲቂንቴቴያ ሃሽቴያ ማአዳ ባአዚ ባአሴ፤ ማአዳህ ዓኪ ማኸንጎ ማዳህ።

* 6:2 ዲንህ ኩንህያ ማዓንዳ፡- ጋዓዞ ፔቴ ፔቴ ሚናአ ማፃጎፓ «ኩንህዋቴ» ጋዓ።

16 ሃኖ ዓይሢያ ጎይያ ዓኣዳ ያኦሲ ዳሮም ቢያ ኮሹሞና ማኣሪሢና ማዖንጎ።

17 ታኣኮ ዑያይዳ ዓኣ ጳዲንቶ ዲኢዳ ዩሱስ ኪሪስቶስኮ ታ ዓይሌ ማዔሢ ዔርዛያታሢሮ ሃይፓ ሴካ ያኣኒያ ታና ሜታሶፓ።

18 ታ ዒሾንሦ! ታ ሚሾንሦ! ኑ ጎዳሢ ዩሱስ ኪሪስቶስኮ ኮሹሞ ዒንጊፃ ዒንሢ ዓያኖና ዎላ ማዖም፤ ዓኣሜን።

ጌኤዢ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌኤዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929